



Objavljen u Službenim novinama FBiH
dana 12.05.2023. – oglasni dio broj 35/23

OPĆINSKI NAČELNIK

Na osnovu člana 8. Zakona o ministarskim, vladinim i drugim imenovanjima FBiH („Službene novine FBiH“, broj 34/03 i 65/13), člana 64. stav 5. Zakona o zdravstvenoj zaštiti („Službene novine FBiH“, broj 46/10 i 75/13), člana 2. Odluke o utvrđivanju kriterija za izbor i imenovanje predsjednika i članova Upravnog odbora Javne ustanove Dom zdravlja „Foča“ Ustikolina („Službene novine Bosansko-podrinjskog kantona Goražde“, broj 04/23) i člana 37. Statuta Općine Foča („Službene novine Bosansko-podrinjskog kantona Goražde“, broj 8/08, 11/08, 16/13 i 7/20), Općinski načelnik, objavljuje :

JAVNI OGLAS

za izbor i imenovanje predsjednika i članova Upravnog odbora Javne ustanove Dom zdravlja „Foča“ Ustikolina

I. Pozicije u upravnom odboru

Objavljuje se Javni oglas za izbor i imenovanje predsjednika i članova Upravnog odbora Javne ustanove Dom zdravlja „Foča“ Ustikolina, i to:

- jedan (1) član – predstavnik osnivača,
- jedan (1) član – stručni radnik zdravstvene ustanove,
- jedan (1) član – predstavnik Kantonalnog ministarstva zdravstva,

II. Opis pozicije

Upravni odbor upravlja zdravstvenom ustanovom, donosi statut zdravstvene ustanove i opća akta o unutrašnjem uređenju i sistematizaciji poslova i druge opće akte za čije donošenje je ovlašten zakonom i statutom zdravstvene ustanove, imenuje i razrješava direktora, odnosno v.d. direktora zdravstvene ustanove, utvrđuje planove rada i razvoja zdravstvene ustanove, utvrđuje godišnji program rada, donosi finansijski plan i usvaja godišnji obračun, odlučuje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ, odgovara osnivaču za rezultate rada zdravstvene ustanove, rješava u drugom stepenu po žalbi na odluku direktora, podnosi osnivaču najmanje jedanput godišnje izvještaje o poslovanju zdravstvene ustanove, obavlja i druge poslove u skladu sa zakonom i statutom zdravstvene ustanove.

III. Mandat

Mandat članova u Upravnom odboru traje 4 (četiri) godine uz mogućnost ponovnog imenovanja.

IV. Opći uslovi

Kandidati za članove Upravnog odbora moraju ispunjavati uslove iz Zakona o ministarskim, vladinim i drugim imenovanjima FBiH („Službene novine Federacije BiH“, broj:34/03 i 65/13), i Zakona o sukobu interesa u institucijama vlasti Federacije BiH („Službene novine FBiH, broj 70/08), te Odluke o utvrđivanju kriterija za izbor i imenovanje predsjednika i članova Upravnog odbora Javne ustanove Dom zdravlja „Foča“ Ustikolina („Službene novine Bosansko-podrinjskog kantona Goražde“, broj 04/23) i to:

1. da su državljani BiH,
2. da su stariji od 18 godina,
3. da nisu otpušteni iz državne službe kao rezultat disciplinske mjere na bilo kojem nivou u BiH (bilo na nivou države ili entiteta), u periodu od tri godine prije dana objavljivanja upražnjene pozicije,
4. da se na njih ne odnosi član IX 1. Ustava BiH (da nisu pod optužnicom Međunarodnog suda za ratne zločine u bivšoj Jugoslaviji),
5. da nisu izabrani zvaničnici, nosioci izvršnih funkcija ili savjetnici u smislu člana 3. Zakona o sukobu interesa u institucijama vlasti u Federaciji Bosne i Hercegovine („Službene novine F BiH“, broj: 70/08),
6. da nemaju privatni finansijski interes u zdravstvenoj ustanovi u čiji se Upravni odbor kandiduju,
7. da nisu osuđivani za krivično djela
8. da se protiv njih ne vodi krivični postupak
9. da nisu direktori zdravstvene ustanove, odnosno zavoda,
10. da nisu predsjednici ili članovi drugih upravnih odbora zdravstvene ustanove, odnosno zavoda,
11. da nisu lica obuhvaćena članom 22. Zakona o državnoj službi u Bosansko-podrinjskom kantonu Goražde („Službene novine Bosansko-podrinjskog kantona“, broj:3/18 i 6/20),
12. da nisu lica kojima je pravosnažnom presudom suda zabranjeno obavljanje aktivnosti u nadležnosti ustanove u koju se kandiduje,
13. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH („Službene novine Federacije BiH“, broj:12/03, 34/03 i 65/13)
14. da imaju saglasnost rukovodioca organa državne službe za prijavu odnosno imenovanje na upražnjene pozicije predsjednika i članova u Javnoj ustanovi ako kandidati za upražnjene pozicije imaju status državnog službenika, a u skladu sa članom 26. tačka a) Zakona o državnoj službi u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj 3/18 i 6/20)
15. da ne postoje druge zakonske smetnje za obavljanje poslova u Upravnom odboru u koji se kandiduju.

V. Posebni uslovi

Kandidati za članove Upravnog odbora moraju ispunjavati i posebne uslove i to:

- visoka, viša ili srednja stručna sprema (IV stepen)

VI. Prilikom usmenog intervjua kandidata ocjenjuje se:

- poznavanje pravnog okvira za djelatnost zdravstvenih ustanova u vlasništvu Općine
- poznavanje nadležnosti i načina rada upravnog odbora zdravstvene ustanove u vlasništvu Općine
- poznavanje načina finansiranja zdravstvene ustanove u vlasništvu Općine
- vještina komuniciranja i organizacione sposobnosti
- sklonost timskom radu
- ostvareni rezultati rada ostvareni tokom profesionalne karijere relevantni za rad i funkcionisanje upravnog odbora zdravstvene ustanove u vlasništvu općine

VII. Potrebni dokumenti

Uz pisanu i potpisanu prijavu na Javni oglas, kandidati su obavezni dostaviti originale ili ovjerene fotokopije dokumenata kojima se dokazuje ispunjavanje traženih općih i posebnih uslova i to:

1. CV (biografija), adresa i kontakt telefon ili e-mail;
2. izvod iz matične knjige rođenih;
3. uvjerenje o državljanstvu (ne starije od 6 mjeseci pri čemu se navedeni rok računa od dana izdavanja uvjerenja od strane nadležnog organa do dana predaje na ovaj javni oglas);
4. potpisana izjava kandidata ovjerena od nadležnog općinskog organa da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije;
5. potpisana izjava kandidata ovjerena od nadležnog općinskog organa da se na njega ne odnosi član IX 1. Ustava BiH (da nisu pod optužnicom Međunarodnog suda za ratne zločine u bivšoj Jugoslaviji);
6. potpisana izjava kandidata ovjerena od nadležnog općinskog organa da nisu izabrani zvaničnici, nosioci izvršnih funkcija ili savjetnici u smislu člana 3. Zakona o sukobu interesa u institucijama vlasti FBiH;
7. potpisana izjava kandidata ovjerena od nadležnog općinskog organa kandidata da nemaju privatni finansijski interes u zdravstvenoj ustanovi u čiji se Upravni odbor kandiduje;
8. uvjerenje da nije osuđivan za krivično djelo izdato od nadležnog organa ;
9. uvjerenje da se protiv kandidata ne vodi krivični postupak izdato od nadležnog organa;
10. potpisana izjava kandidata ovjerena od nadležnog općinskog organa kandidata da nisu direktori zdravstvene ustanove, odnosno zavoda;
11. potpisana izjava kandidata ovjerena od nadležnog općinskog organa da ne vrši funkciju predsjednika ili člana upravnih odbora zdravstvene ustanove, odnosno zavoda;
12. potpisana izjava kandidata ovjerena od nadležnog općinskog organa da nije lice obuhvaćeno članom 22. Zakona o državnoj službi u Bosansko-podrinjskom kantonu Goražde („Službene novine Bosansko-podrinjskog kantona“, broj:3/18 i 6/20);

13. potpisana izjava kandidata ovjerena od nadležnog općinskog organa da nije lice kojem je pravosnažnom presudom suda zabranjeno obavljanje aktivnosti u nadležnosti ustanove u koju se kandiduje;
14. potpisana izjava kandidata ovjerena od nadležnog općinskog organa da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH („Službene novine Federacije BiH“, broj:12/03, 34/03 i 65/13);
15. pismena saglasnost rukovodioca organa državne službe za prijavu odnosno imenovanje na upražnjene pozicije predsjednika i članova u Javnoj ustanovi, ako kandidati za upražnjene pozicije imaju status državnog službenika;
16. potpisana izjava kandidata ovjerena od nadležnog općinskog organa da ne postoje druge zakonske smetnje za obavljanje poslova u upravnom odboru za koji se kandiduju;
17. diploma o završenoj visokoj, višoj ili srednjoj stručnoj spremi (IV stepen).

Izjave kandidata uzet će se u obzir samo ukoliko su date i ovjerene poslije objave Javnog oglasa.

Kandidati koji se prijavljuju na Javni oglas za Upravni odbor, dužni su u prijavi navesti za koju poziciju se prijavljuju (iz reda osnivača, stručnih radnika ustanove ili predstavnika kantonalnog ministarstva).

Kandidati koji uz prijavu na Javni konkurs dostave saglasnost organa ispred kojeg apliciraju biće eliminisani iz konkursne procedure, što se ne odnosi na pismenu saglasnost rukovodioca organa državne službe za prijavu odnosno imenovanje na upražnjene pozicije predsjednika i članova u Javnoj ustanovi, ako kandidati za upražnjene pozicije imaju status državnog službenika.

VIII. Kandidovanje

Kandidati koju uđu u uži izbor bit će pozvani na intervju. Prije intervjua kandidati će biti pozvani da daju podatke o ranijim neposrednim rukovodiocima od kojih se mogu zatražiti preporuke i informacije o kandidatima i popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka („Službeni glasnik BiH“, br:49/06,76/11 i 89/11).

Zainteresirana stranka može podnijeti prigovor na konačno imenovanje u skladu sa Zakonom o ministarskim, vladinim i drugim imenovanjima FBiH.

IX. Naknada za rad

Predsjednik i članovi Upravnog odbora imaju pravo na naknadu. Naknadu predsjedniku i članovima za rad u Upravnom odboru utvrđuje Općinsko vijeće na prijedlog Općinskog načelnika, a na teret zdravstvene ustanove.

X. Ostalo

Javni oglas ostaje otvoren 15 (petnaest) dana od dana objavljivanja javnog oglasa u Službenim novinama FBiH, a isti će biti objavljen i u dnevnom listu „Oslobođenje“, na službenoj web stranici Općine Foča www.foca-ustikolina i na oglasnoj ploči Općine Foča.

Prijave sa traženim dokumentima se dostavljaju lično na protokol ili poštom preporučeno u zatvorenoj koverti sa naznakom: **„PRIJAVA NA JAVNI OGLAS ZA IZBOR I IMENOVANJE PREDsjedNIKA I ČLANOVA UPRAVNOG ODBORA JU DOM ZDRAVLJA „FOČA“ USTIKOLINA – NE OTVARAJ“**, na adresu: Općina Foča, ul. Omladinska bb, 73250 Ustikolina.

Nepotpune i neblagovremene prijave neće se uzeti u razmatranje.

Broj:01-33-572 /23

Datum:08.05. 2023. godine

OPĆINSKI NAČELNIK

Mujo Sofradžija s.r.

Objaviti:

1. Službene novine Federacije BiH
2. Dnevni list „Oslobođenje“
3. Web stranica Općine Foča
4. Oglasna ploča
5. a/a